



Publicaziuns dalla vischnaunca, jamna 20

Resultat dalla votaziun communal dil 15-5-2022

Diember dils votants	1491
Participaziun alla votaziun	53,25%

Revisiun parziala dil plan da zonas «Scursalera Catrina»

Dau giu cedels	794	
Cedels vits	3	
Cedels nunvaleivels	8	
Total cedels vits e nunvaleivels	11	
Cedels valeivels	783	
Gie	610	78%
Na	173	22%

Dretg da recuors

Sebasond sin art. 37 dalla lescha communal davart ils dretgs politics sa vegnir recurriu encunter la votaziun communal dil 15 da matg 2022 enteifer treis dis dapi ch'il motiv da recuors ei vegnius constataus, sil pli tard denton il tierz di suentar la publicaziun ufficala dils resultats. Il recuors ei d'inoltrar alla suprastanza communal.

Disentis/Mustér, ils 15 da matg 2022

Damonda da baghegiar

2022-1029.000

Datum dalla publicaziun: 20 da matg 2022

Il patron: Victor von Castelberg-Stiftung, Lutherstrasse 36, 8004 Zürich
Il representant: Rico de Castelberg, Via Alpsu 2, 7180 Disentis/Mustér
Object: Construcziun nova d'in baghetg sin temps limitau pil menaschi d'alp a Stavel La Val, parcella 2549, 7180 Disentis/Mustér

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 20 da matg 2022

Uffeci da baghegiar Disentis/Mustér

Administraziun communal

Sur Anceinza naven da **mesjamna, ils 25 da matg 2022, allas 17.30 entochen gliendisdis, ils 30 da matg 2022, allas 8.30** resta l'administraziun communal serrada.

Bien engraziament per Vossa capientscha.

Administraziun communal

Elecziuns cantunalas dils 15 da matg 2022

Nus engraziein cordialmein per la confidonza, il grond sustegn e selegrein fetg d'astgar representar il cumin dalla Cadi ulteriurs quater onns el Cussegl Grond. Quei fa plascher e motivescha da vinavon s'engaschar cun tutta forza per il beinstar da nossa vischnaunca, dalla regiun e dil Cantun. *René Epp e Clemens Berther*



Vischnaunca Disentis/Mustér

Revisiun parziala dalla planisaziun locala exposiziun da recuors

En applicaziun dad art. 48 alinea 4 dalla lescha davart la planisaziun dil territori pil cantun Grischun (LPTGR) ha liug l'exposiziun da recuors pertuccont la revisiun parziala dalla planisaziun locala dalla vischnaunca da Disentis/Mustér, la quala ei vegnida approbada ils 15 da matg 2022 entras la votaziun all'urna ed il plan general d'avertura ch'ei vegnius approbaus ils 25 da mars 2022 entras il cussegl da vischnaunca.

Objects da publicaziun:

Revisiun parziala dalla planisaziun locala «scursalera (Rodelbahn) a Caischavedra»

Acts d'exposiziun:

- Plan general d'avertura 1:1000
- Plan da zonas 1:1000
- Rapport da planisaziun e cooperaziun cun annexas

Annexas

- Rapport tecnic (versiun dils 5-1-2022) incl. annexas
- Rapport ecologic (versiun dils 10-1-2022) incl. annexas
- Plan – coordinaziun davart la definiziun detagliada denter las zonas per la protecziun dallas tschaffadas d'aua e la via da velos Gendusas–Caischavedra

Termin da publicaziun:

30 dis (naven dils 20 da matg entochen ils 20 da zercladur 2022)

Liug d'exposiziun:

Administraziun communal Disentis/Mustér, durant las uras da spurtegl e digital sin www.disentis.ch

Recuors da planisaziun:

Persunas, las qualas han in agen interess digns da vegnir protegius vid ina contestaziun dalla planisaziun ni ch'ei legitimadas leutier tenor dretg federal, san inoltrar alla Regenza grischuna enteifer 30 dis dapi il datum da publicaziun a scret in recuors da planisaziun encunter la planisaziun locala.

Organisaziuns digl ambient:

Organisaziuns digl ambient exerciteschan lur dretg da recuors tenor art. 104, alinea 2 dalla lescha cantunala davart la planisaziun dil territori. Q.v.d. ellas s'annunzian enteifer il temps da recuors tier igl uffeci cantunal pil svilup dil territori ed inoltreschan silsunter eventualmein ina posiziun.

Disentis/Mustér, ils 20 da matg 2022

Suprastanza communal Disentis/Mustér

Dumbraziun dallas habitaziuns vitas

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni administraziuns d'immobillas che han pigl 1. da zercladur 2022 habitaziuns ni casas d'ina famiglia vitas ein obligai da comunicar quei per telefon 081 920 36 36 ni a scret all'administraziun communal entochen sil pli tard **ils 3 da zercladur 2022**.

Sco habitaziuns vitas el senn da quella dumbraziun vegnan quintadas tut las habitaziuns mobigliadas ni buca mobigliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ei pil di da controlla (1-6-2022) vitas, denton habitablas e
- ch'ei pil di da controlla (1-6-2022) screttas ora per schar a tscheins permanentamein per minimalmein treis meins ni venalas.

Nus engraziein per la cooperaziun.

Administraziun communal



Giubileum da 50 onns Pendicularas Mustér

Las Pendicularas Mustér han cumplenu gl'onn vargau lur giubileum da 50 onns. Muort la pandemia ha la fiasta planisada il december stuiu vegnir spustada. Uss astgein nus denton finalmein festivar! A quella festività envidein nus la populaziun cordialmein.

Datum: **Mesjamna, ils 25 da matg 2022**, sin la Piazza Catrina Resort

Program:

16.00: Entschatta dalla fiasta
16.30/17.30 e 18.30: investa dil menaschi tecnic, staziun da val s. Catrina
17.00: Plaids da Marcus Weber e René Epp
18.00: «Bargia Catrina» arva
21.00: Finizium

Las spisas e bubrondas (senza alcohol) vegnan offeridas dallas pendicularas. Las consumaziuns en la «Bargia Catrina» ein buca inclusas.

Nus selegrein sin vus!

Vossa squadra dallas Pendicularas Mustér

50-Jahr-Jubiläum Bergbahnen Disentis

Die Bergbahnen Disentis sind letztes Jahr 50 Jahre alt geworden. Nach der durch die Pandemiesituation erzwungenen Verschiebung im Dezember können wir nun endlich feiern! Zu diesem Fest möchten wir die Bevölkerung herzlich einladen.

Datum: **Mittwoch, 25. Mai 2022**, auf der Piazza Catrina Resort

Programm:

16.00 Uhr: Festbeginn
16.30/17.30 und 18.30 Uhr: Einblick in die technischen Einrichtungen, Talstation s. Catrina
17.00 Uhr: Ansprachen Marcus Weber und René Epp
18.00 Uhr: «Bargia Catrina» öffnet
21.00 Uhr: Ende des Anlasses

Speisen und Getränke (ausser Alkohol) werden von den Bergbahnen offeriert. Die Konsumationen in der «Bargia Catrina» sind kostenpflichtig.

Wir freuen uns auf euch!

Euer Team der Bergbahnen Disentis

Controlla da habitonts

Mortoris

Alexi Flepp-Hollenstein, naschius ils 30 da fenadur 1933, morts ils 11 da matg 2022.

Christina Bischof-Haefeli, naschida ils 20 da fevrer 1956, morta ils 11 da matg 2022.

Camp da reiver per affons dalla Colonna d'agid CAS Mustér 2022

Sco gia dapi biars onns meina la Colonna d'agid Mustér atras dus cuors da reiver per affons denter 10 e 16 onns (annadas 2006–2013). Ils cuors han liug el territori da reiver a Lai Alv (2505 m) a Mustér, sisum dil territori da skis. Survigilai ed instrui da menadras e menaders da Giuventetgna e Sport emprendan ils affons semplamein ed en cuminonza igl ir a cuolm.



- Datum: Dumengia–venderdis (1. jamna 17-7–22-7-2022, 2. jamna 24-7–29-7-2022)
- Program: Introducziun egl alpinissem, ir entuorn cun sugas, reiver els curtgins da reiver, sentiment per grep e contuorn, pintga tura sin in péz, flora alpina, encurir cristallas.
- Material che maunca san ins retscheiver dil cuors.
- Cuosts: L'occurrenza cuosta.

Annunzias ein pusseivlas naven dils **6 da zercladur 2022** sut laialv@disentis.ch

Colonna d'agid Mustér

Informaziun publica

Gievgia, ils 26 da matg 2022, allas 20.00

Sala Peter Kaiser, claustra Mustér. La punt pendentia sur il Rein naven da Sontga Gada entochen Mumpé Medel, numnada «la pendentia», ei gia vegnida tractandada intensivamein dallas autoritads politicas da nossa vischnaunca e dil Cantun. Bugen orientein nus la populaziun dalla regiun sur dil stan actual dil project e stein bugen a disposiziun per rispunder a damondas.

La suprastanza dall'Uniun la pendentia

Societad da musica Mustér

Concert da primavera, en halla Cons Disentis/Mustér

Sonda, ils 21-5-2022, allas 20.00, silsunter stiva da caffè. **Dumengia, ils 22-5-2022**, allas 17.00.
Entrada libra, collecta.

Societad da tir Desertina

Il tir obligatori 300 m ha liug a Sedrun la Resgia

Anceinza

26-5-2022 19.00–20.00

Gliendisdis Tschuncheismas

6-6-2022 18.00–20.00

Dumengia

21-8-2022 18.00–19.00

Cordialmein envida

la Societad da tir Desertina

TCS Sektion Graubünden

Regionalgruppe Surselva

Einladung zum zweitägigen Ausflug ins Verkehrshaus Luzern, Sonntag und Montag, 17./18. Juli 2022.
Siehe unter Ilanz!



Uniun da dunnas Disentis/Mustér

A caschun dalla davosa radunonza generala ei la sequenta persuna vegnida elegida: Sandra Deflorin, copresidenta (reelegida per dus onns). Plinavon ha la radunonza fixau la contribuziun annuala a frs. 20.–. L'unfrenda da sontga Lisabet ei voluntaria. Ei vegn denton supplicau dad indicar sil cedel da pagament per tgi che la contribuziun ei destinada.

Cordials salids.

La suprastonza *Leslie, Sandra e Manuela*

Im Zusammenhang mit der letzten Generalversammlung des Frauenvereins ist die folgende Person gewählt worden: Sandra Deflorin, Co-Präsidentin (wiedergewählt für zwei Jahre). Weiter wurde an der Generalversammlung der Mitgliederbeitrag auf Fr. 20.– fixiert. Die Spende für die heilige Elisabeth ist freiwillig. Es wird gebeten, auf dem Einzahlungsschein den Zahlungszweck anzugeben.

Der Vorstand

Leslie, Sandra und Manuela
